



**Sámi allaskuvla**  
Sámi University College

## **Sámi allaskuvlla válganjuolggadusat**

Dohkkehuvvon Sámi allaskuvlla stivrras 11.2.2015, ášši S- 08/15.

Njuolggadusat leat mearriduvvon láhkavuođu vuođul

*Lov 2005-04-01 nr. 15:*

*Lov om universiteter og høskoler (U/A-láhka)*

## Sisdoallolustu

<b>KAP 1</b>	<b>Doaibmaguovlu ja doabageavaheapmi.....</b>	<b>3</b>
	§ 1 Njuolggadusaid doaibmaguovlu.....	3
	§ 2 Doabageavaheapmi ja definišuvnnat .....	3
<b>KAP 2</b>	<b>Stivra ja stivrra doaibmanáigodat .....</b>	<b>3</b>
	§ 3 Stivra ja stivrra sturrodát .....	3
	§ 4 Doaibmanáigodat.....	4
<b>KAP 3</b>	<b>Válgastivra .....</b>	<b>4</b>
	§ 5 Válgastivra .....	4
<b>KAP 4</b>	<b>Válgabiiret, jienastanvuoigatvuohta ja válgadohkálašvuohta .....</b>	<b>5</b>
	§ 6 Válgabiiret.....	5
	§ 7 Jienastanvuoigatvuohta .....	5
	§ 8 Válgadohkálašvuohta – oppalaš ráddjen.....	5
	§ 9 Válgadohkálašvuohta rektoriin ja prorektoriin.....	6
	§ 10 Válgadohkálašvuohta bargiid áirrasin .....	6
	§ 11 Válgadohkálašvuohta studeantaid áirrasin .....	6
	§ 12 Bargiid geatnegasvuohta vuostáiváldit válgga .....	6
	§ 13 Studeantaid geatnegasvuohta doaibmat ámmáhis .....	7
<b>KAP 5</b>	<b>Válggaid čadaheapmi.....</b>	<b>7</b>
	§ 14 Válgáigodaga ja áigemeiid almmuheapmi .....	7
	§ 15 Jienastuslohku ja listu geat leat válgadohkálaččat.....	7
	§ 16 Nominašuvdnaproseassa .....	7
	§ 17 Lassinjuolggadusat rektora ja prorektora válljema oktavuodas.....	8
	§ 18 Válgavuohki .....	9
	§ 19 Ovdagihtii jienasteapmi .....	9
	§ 20 Válgamálle .....	9
	§ 21 Jienaid lohkan .....	9
	§ 22 Jienaid árvvoštallan ja sohkabeale balánsa .....	9
	§ 23 Válgaprotokolla.....	10
<b>KAP 6</b>	<b>Oahppojođiheddjiid válljen .....</b>	<b>10</b>
	§ 24 Válgavuohki .....	10
	§ 25 Válgadohkálašvuohta ja jienastanvuoigatvuohta .....	10
	§ 26 Válgaprotokolla.....	10
<b>KAP 7</b>	<b>Eará njuolggadusat.....</b>	<b>11</b>
	§ 27 Váidda.....	11

§ 28 Luohpan válgaáigodagas. Lasihanválga .....	11
§ 29 Ollislaš njuolggadusat.....	11
§ 30 Fápmui bidjan .....	11

## KAP 1 Doaibmaguovlu ja doabageavaheapmi

### § 1 Njuolggadusaid doaibmaguovlu

Njuolggadusat gustojit čuovvovaš válggas Sámi allaskuvllas:

- Válljet rektora ja prorektora
- Válljet bargiid- ja studeantaáirasiid ja várrelahtuid allaskuvlastivrii
- Válljet oahppojođiheaddji

### § 2 Doabageavaheapmi ja definišuvnnat

1) *Válgabeaivi*: Válgga dáhton. Jus váлга bistá guhkit go ovttá beaivvi, de oaivvilduvvo dat beaivi go váлга álgá.

2) *Ovdagihtiijenasteapmi*: Jienastit ovdal válgabeaivvi.

3) *Jienastanlihtteváлга*: Njuolggováлга, mas jienasteaddjit sáhttet jienastit čálalaččat mearriduvvon báikkiin ja áigodagas válgabeaivvi (-beivviid). Jienastanlihtteválggas galget jienastanlihpput biddjot jienastanlihttái dahje sullasaččat, maŋnil go lea dárkkistuvvon ahte jienasteaddjis lea jienastanvuoigatvuohta. Dasto galgá registrerejuvvot go jienasteaddji lea jienastan.

4) *Elektrovnnalašváлга*: Njuolggováлга mii čađahuvvo elektrovnnalaš veahkkeneavvuiguin.

5) *Eanetloguváлга*: Váлга, mas juohke jienasteaddji jienasta eanemusat dan logu go leat kandidáhta válggas, iige maŋŋalastá/sirre kandidáhtaid gaskkas. Dat kandidáhtta, gii oazžu eanemus jienaid, šaddá vuosttaš válljejuvvon áirras, sus geas leat nubbin eanemus jienat, šaddá nubbi válljejuvvon áirras jna. Eai leat persovnnalaš várrelahtut ja válljejuvvojit seamma ládje go dábálaš áirrasat. Son gii oazžu eanemus jienaid, maŋnil go maŋemus dábálaš áirras lea válljejuvvon, šaddá vuosttaš várrelahtun., nubbi várrelahtun šaddá son geas leat nubbin eanemus jienat, maŋnil go maŋemus dábálaš áirras lea válljejuvvon jna.

## KAP 2 Stivra ja stivrra doaibmanáigodat

### § 3 Stivra ja stivrra sturrodat

1) Stivrras leat 11 áirasa:

- Rektora leat bargit ja studeanttat válljen
- Prorektora leat bargit ja studeanttat válljen
- Fágalašbargiid gaskkas válljejit ieža guokte áirasa, gč § 6
- Teknihkalaš- ja hálddabusbargiid gaskkas válljejit ieža ovttá áirasa

- Studeanttat välljejit guokte áirasa studeanttaid gaskkas
- Njeallje olggobeale áirasa nammaduvvojit departemeanttas árvalusa vuodul, maid allaskuvlla stivra ja Norgga Sámediggi leat árvalan.

2) Válljejuvvojit guokte várrelahttu fágalašbargiide, guokte teknikkalaš- ja hálddabusbargiide, guokte studeanttaide. Olggobeale áirasiidda nammada departemeantta njeallje várrelahtu.

3) Rektor lea stivrajođiheaddji, gč U/A-lága § 10-1 vuosttaš lađđasa. Jus rektor ii leat čoahkkimis, de doaibmá prorektor stivrajođiheaddjin. Jus eará stivramiellahtut dieđihit ahte eai boađe čoahkkimii, de gohččot várrelahtuid iešguđege joavkkus.

#### **§ 4 Doaibmanáigodat**

1) Doaibmanáigodat rektorii, prorektorii ja eará stivramiellahtuide, geat välljejuvvojit bargiid gaskkas, lea njeallje jagi, gč U/A-lága §§ 10-2 (2) ja 9-4 (1).

2) Jus välljejuvvo sierra stivralahttu gaskaboddosaš fágalašbargiid gaskkas, de välljejuvvo dat ovttá jahkái, gč § 6 ja U/A-lága § 9-4 (2).

3) Studeanttaid stivralahtut välljejuvvojit ovttá jahkái, gč U/A-lága § 9-4 (3).

4) Várrelahtuid doaibmanáigodat lea seamma guhká go dábálaš áirasat, geaid ovddas doibmet stivrras.

5) Stivramiellahtuid doaibmanáigodat álgá borgemánu 1. beaivvi, ja bistá guhkimusat válgabeaivvi rádjái, mii lea válgajagis, gč § 14.

6) Rektora ja prorektora doaibmanáigodat álgá borgemánu 1. beaivvi.

## **KAP 3 Válgastivra**

### **§ 5 Válgastivra**

1) *Mandáhta ja čohkkehus.* Allaskuvllas galgá leat válgastivra, mii galgá ráhkanit ja hálddašit válggaid, gustojeaddji njuolggadusaid mielde. Válgastivrras leat allaskuvladirektevra, bargiin áirras ja studeanttain áirras. Allaskuvladirektevra lea válgastivrra jođiheaddji.

2) *Nammadeapmi.* Allaskuvlastivra nammada dan guokte áirasa, maid bargiid fágasearvit ja studeantastivra leat árvalan. Goappáge árvalusas galget leat unnimus guokte nama, main sohka beali leat vuhtiiváldán. Goappaš áirasiidda galgá nammaduvvot várrelahttu.

3) *Doaibmanáigodat.* Válgastivrra doaibmanáigodat lea njeallje jagi. Seamma jagi go allaskuvlastivra lea välljejuvvon, nammada allaskuvlastivra ođđa válgastivrra. Válgastivrra doaibmanáigodat álgá ođđajagimánu 1. beaivvi dan boahhtevaš jagi.

4) *Luohpan.* Jus okta válgastivrraáirasiin árvaluvvo allaskuvlastivrra áirasiin, de galgá son luohpat válgastivrras, ja várrelahttu galgá boahtit sadjái. Ođđa várrelahttu de nammaduvvo allaskuvlastivrras.

5) *Mearrádusat*. Válgastivrras lea mearridanváldi, go guovttis áirasiin oassálastiba čoahkkimis. Mearrádusat dahkkojit go lea eanetlohku. Go jienat leat dássálaga, de lea jođiheaddji jietna mii mearrida. Válgastivrra áirras sáhtta váidit válgastivrra mearrádušaid allaskuvlastivrii. Váidda ferte addot čálalaččat mañemusat beaivvi mañjil válgastivračoahkkima.

## **KAP 4 Válgabiiret, jienastanvuoigatvuohta ja válgadohkálašvuohta**

### **§ 6 Válgabiiret**

1) Go rektora ja prorektora válljejit, de lohko juohke jienasteaddji oktan válgabiiren. Go eará áirasiid válljejit, de leat válgabiiret čuovvovaččat:

- *Fágalaš bargit*. Dáinna oaivildit bargit oahpahus- ja dutkanvirggiin Sámi allaskuvllas, gč Stáhtabargiid giehtagirjjiš - bálkáplánat (*Statens personalhåndbok – lønnsplaner*) Jus fágalašbargiid gaskaboddosaš virggiin leat eambbo go 25 proseanta fágalaš bargiin go jienastuslogu almmuheami áigemearri dievvá, de leat dát joavku sierra válgabiire. Sii galget fágalaš bargiin válljet nuppi dan guovtti stivralahtus ja várrelahtus
- *Teknikkalaš ja hálddahusbargit*
- *Studeanttat*

2) Definišuvdnii, guđe válgabiirii okta persovdna gullá, mearriduvvo virgáibidjanoktavuođas válgabeaivvi. Jus leažžá eahpádus guđe válgabiire okta persovdna gullá, de válgastivra mearrida dan.

### **§ 7 Jienastanvuoigatvuohta**

- 1) Bargiin, geain lea unnimus 50 % fásta dahje gaskaboddosaš virgi, lea jienastanvuoigatvuohta. Bargit, geain lea virgelohpi bálkká haga, ii leat jienastanvuoigatvuohta.
- 2) Registrerejuvvon studeanttain, geat leat máksán lohkanbádjedivvaga, dan lohkanbádjái go váлга čađahuvvo, lea jienastanvuoigatvuohta.
- 3) Bargis, geas lea jienastanvuoigatvuohta, ii sáhte seammás leat jienastanvuoigatvuohta studeantan.

### **§ 8 Válgadohkálašvuohta – oppalaš ráddjen**

li oktage sáhte ođđasit válljejuvot rektoriin, prorektoriin dahje stivramiellahttun, jus son šattašii doaimman oktiibuot gávccii jagi doaimmas, go ođđa váлгаáigodat álgá, gč U/A-lága §§ 9-4 (7) ja 10-2 (2).

### **§ 9 Válgadohkálašvuohta rektoriin ja prorektoriin**

- 1) Sihke bargit ja olggobeale kandidáhtat leat válgadohkálaččat rektoriin, gč U/A-lága § 10-2. Sámi allaskuvllas lea sámegeiella váldogiellan, čálalaččat ja njálmmálaččat. Dán ámmáhii vurdojuvvo sihke njálmmálaš ja čálalaš sámegeiel máhttu. Olggobeale kandidáhtat galget máhttit sámegeiella njálmmálaččat ja čálalaččat, ja sáhttit duođaštit gelbbolašvuođa unnimusat vuosttašamanueansa- / vuosttašlektordásis ja jođiheaddjegelbbolašvuohta, nugo hárvaneapmi stivrabargguin dahje stivraguoskevaš bargguin.
- 2) Fágalaš bargit, unnimusat 50 % virggis, leat válgadohkálaččat prorektoriin. Dán ámmáhii vurdojuvvo njálmmálaš ja čálalaš sámegeiel máhttu.
- 3) Gelbbolašvuođavuordamušat rektorii- /prorektorii leat čielgaseappot čilgejuvvon rektora virgečilgehusas.

### **§ 10 Válgadohkálašvuohta bargiid áirrasin**

- 1) Bargit, geain lea jienastanvuoigatvuohta, leat válgadohkálaččat iežaset válgabires. Bárgit, geain lea bargošiehtadus vassis áigemearrái, leat maid válgadohkálaččat dan áigodagas.
- 2) Čuovvovaš bargit eai leat liikká válgadohkálaččat:
  - Allaskuvladirektevra
  - Gaskajođiheaddjit, geain lea allaskuvladirektevra lagamus hoavdan
  - Vuodđoovttadagaid jođiheaddjit

### **§ 11 Válgadohkálašvuohta studeanttaid áirrasin**

Registrerejuvvon studeanttat, geat leat máksán lohkanbadjedivvaga dan lohkanbádjái goas válga čađahuvvo, ja geat ain galget studeret allaskuvllas dan doaibmaáigodaga, leat válgadohkálaččat.

### **§ 12 Bargiid geatnegasvuohta vuostáiváldit válgga**

- 1) Bargis, gii válljejuvvo ámmáhii, U/A-lága § 9-5, vuodul, lea geatnegasvuohta vuostáiváldit doaimma nu guhká go son lea válgadohkálaš ámmáhii, gč dán mearrádusa §§ 8, 9 og 10.
- 2) Sus, geas juo lea leamaš ámmát, lea riekti beassat eret válggas dán seamma ámmáhii, seamma guhká go ieš lea doaibman doaimmas. Várrelahttu, gii lea oassalastan unnimusat beali stivračoahkkimiin válgaáigodagas sáhttá gáibidit beassat stivramiellahtuválggas boahhte áigodagas.
- 3) Son, gii ii sáhte hoidet iežas doaimmaid ovtta ámmáhis váttisvuodaid haga dahje noađi dihte, sáhttá ohcat beassat eret válggas dahje joatkimis doaibmat ámmáhis.

### **§ 13 Studeanttaid geatnegasvuohta doaibmat ámmáhis**

Studeanttas, gii vuostáiváldá vágga, lea geatnegasvuohta doaibmat ámmáhis olles dan áigodaga go son lea válgadohkálaš, gč njuolggadusa § 11. Sus, geas lea ámmát, galgá luohpat ámmáhis, go válgadohkálašvuohta nohká.

## **KAP 5 Válggaid čađaheapmi**

### **§ 14 Válgaáigodaga ja áigemeriid almmuheapmi**

- 1) Buot vágga čađahuvvojit dábálaččat giđđalohkanbájis, muhto ovdal golggotmánu 10. beaivvi.
- 2) Válgastivra mearrida válgabeaivvi ja áigemeari man rádjái sáhtta árvalit kandidáhtaid.
- 3) Válgastivra mearrida jienastanbáikki(id) ja áigemeari goas jienasta. Válgabeaivvi ferte jienastanbáiki leat rabas unnimusat guhtta diimmu gaskal diibmu 08.30 – 15.30.
- 4) Válgabeaivi almmuhuvvo unnimus njeallje vahkku ovdal. Almmuhusas čielggaduvvojit nominašuvdnanjuolggadusat ja movt čađahit vágga.

### **§ 15 Jienastuslohku ja listu geat leat válgadohkálaččat**

- 1) Allaskuvladirektevra dahje son, gean direktivra nammada iežas sadjai, ovddida jienastuslogu.
- 2) Jienasteddjiid jienastuslohku ja listu, geat leat válgadohkálaččat iešguđege ámmáhi, galget almmuhuvvot unnimus golbma vahkku ovdal válgabeaivvi.

### **§ 16 Nominašuvdnaproseassa**

- 1) Válgastivra álggaha nominašuvdnaproseassa. Go bargiidáirasiid galgá välljet, de gohčču válgastivra sierra čoahkkimiidda fágalaš-, teknikkalaš- ja hálldahusbargiid, gos juohke joavku vällje guokte áirasa. Sii galget doaimmahit vai kandidáhtta árvalusat bohtet válgastivrii unnimusat guokte vahkku ovdal vágga. Studeantaáirasiid välljemii galgá válgastivra bearráigeahččat vai studeantastivra organisere studeanta nominašuvdna proseassa, dainna lágiin mii sihkarastá ahte kandidáhtta árvalusat bohtet válgastivrii unnimusat guokte vahkku ovdal vágga.
- 2) Nominašuvdnaproseassas ferte vuhtii váldit dásseárvolága gáibádusa, mas sohka beale balánssa galgá doalahit iešguđege válgabires: Go galgá välljejuvvot okta miellahttu ja okta várrelahttu seamma válgabires, de ferteba välljejuvvot goappáge sohka bealis. Go galget välljejuvvot guokte miellahttu seamma válgabires, de galgaba leat goappáge sohka bealis. Diet gáibádus guoská várrelahtuide maid.
- 3) Stivramiellahttu árvalusat galget čálalaččat addot válgastivrii, ja unnimusat okta jienasteaddji galgá vuolláičállán.



- 4) Rektor ja prorektor välljejuvvoba ovttas, gos bargit jienastit rektorteama / jođiheaddjeteama. Árvalusas sáhtta leat sihke rektor ja prorektor kandidáhtta. Nominerejuvvon kandidáhtat galget miehtat válgavevttohussan, gč § 12 dán njuolggadusas. Nominerejuvvon kandidáhtat galget maiddái miehtat válgii ovttas dainna nuppiin kandidáhtain dan teamas.
- 5) Árvalusat galget čálalaččat addot válgastivrii, ja unnimusat guokte jienasteaddji galget vuolláičállán.
- 6) Olggobeale rektorkandidáhta árvalussii galgá dasa lassin mielddusin biddjot čálalaš miehtan, sus gii lea árvaluvvon, oktan su CVain ja duođaštusaiguin. Miehtan ii sáhte gessot ruovttoluotta, gč U/A-lága § 9-5.
- 7) Válgastivra galgá ovttatmano dieđihit árvaluvvon kandidáhttii ahte son lea árvaluvvon, ja almmuhit árvalusa jienasteddjiide.
- 8) Go áigemearri árvalusaid buktit lea nohkan, de almmuha válgastivra buot árvaluvvon kandidáhtaid fárrolaga.

### **§ 17 Lassnjuolggadusat rektora ja prorektora välljema oktavuodas**

- 1) Rektor ja prorektor välljejuvvoba giđđalohkanbajis, áinnas cuoŋománus dahje miessemánus. Válljen čađahuvvo ovdal bargiidáirasiidválljema allaskuvlastivrii.
- 2) Eai leat makkárgé gáržžideamit gii lea válgadohkálaš rektorin ja prorektorin, gč UH-lága § 10-2, nr 1. Geahča maid § 8 dán njuolggadusain.
- 3) Jus rektora dahje prorektora nominašuvnnas ii leat boahtán eará go okta árvalus ámmáhii, ja jus válgastivra veardida árvaluvvon kandidáhta dohkálažžan § 9 vuodul, de čađahuvvo váлга dego livččii eanet kandidáhtat ámmáhii. Árvalus lea dohkkehuvvon jus olaha eanetlogu válggas, gč § 22 – 1 dán njuolggadusain. Jus ii oaččo eanetlogu, ovddiduvvo válgaboadus allaskuvlastivrii. Allaskuvlastivra sáhtta mearridit ahte ođđa váлга galgá čađahuvvot.
- 4) Jus guokte kandidáhta/teamas ožžot seamma olu jienaid, de čađahuvvo ođđa váлга. Jus nuppi válgavuorus fas ožžot kandidáhtat/teamat ovttas mađe jienaid, de ovddiduvvo válgaboadus allaskuvlastivrii árvoštallamii. Allaskuvlastivra sáhtta mearridit ahte ođđa váлга galgá čađahuvvot.
- 5) Allaskuvlastivrras dáhkkojit mearrádusat jienasteami bokte, dábálaš eanetlohku.
- 6) Válgastivra galgá formálalaččat čállit válgabohtosiid beavdegirjái ja almmuhit dan. gč § 23.

### **§ 18 Válgavuohki**

Buot válggat čađahuvvojit jienastanlihtteválggain, gč § 2. Válgastivra sáhtta mearridit ahte galgá heivehit vai válgga/válggaid sáhtta čađahit elektrovnnalaččat.

### **§ 19 Ovdagihtii jienasteapmi**

Jienasteddjiide, geat eai sáhte jienastit válgabeaivvi, galgá addot vejolašvuohta ovdagihtii jienastit diibmu 12.00 rádjái beaivvi ovdal válgabeaivvi. Vejolašvuohta ovdagihtii jienastit galgá rahppot beaivvi maŋŋil go válgastivra lea almmuhan kandidáhttalistu.

### **§ 20 Válgamálle**

- 1) Buot válggat galget leat eanetloguválga, gč § 2.
- 2) Juohke válgii galget ráhkaduvvot jienastanlihpput, masa kandidáhtaid namat leat čállon. Jienastanlihpus galget jienasteaddjit merket dan/daid kandidáhta(id) nama/namaid bokte, gean/geaid jienasteaddji háliida jienastit. Eanemusat sáhtta merket nu ollu namaid bokte go áirasat galget válljejuvvot dán válggas (várreáirraslohku ii leat mielde logus).
- 3) Go oktanis galgá válljejuvvot sihke rektor ja prorektor, de lea teama mii jienaid árvvoštallamis § 22 ektui oážžu eanemus jienaid, válljejuvvon ámmáhii.
- 4) Go galgá válljejuvvot okta kandidáhtta seamma válgabires, de lea dat kandidáhtta gii lea eanemus jienaid ožžon válljejuvvon áirrasin. Son gii nubbin eanemus jienaid lea ožžon, lea válljejuvvon várrelahtun. Jus galget válljejuvvot guokte várrelahtu, de lea son gii goalmmádin eanemus jienaid lea ožžon, válljejuvvon nubbin várrelahtun.
- 5) Go galget válljejuvvot guokte áirasa seamma válgabires, de leaba dat guokte kandidáhta geat leaba ožžon eanemus jienaid, válljejuvvon áirrasin. Son, gii lea goalmmádin eanemus jienaid ožžon, lea válljejuvvon vuosttaš várrelahtun. Son, gii njealjádin eanemus jienaid lea ožžon, lea válljejuvvon nubbin várrelahtun.

### **§ 21 Jienaid lohkan**

Válgastivra lohká jienaid ja árvvoštallá daid jus dárbbášlaš. Allaskuvladirektevra dahje su sadjásaš jođiha jienaid lohkana.

### **§ 22 Jienaid árvvoštallan ja sohka beale balánsa**

- 1) Rektora ja prorektora válljemis galget jienat deattuhuvvot čuoovvovaš čovdosiin:
  - Fágalaš bargit: 55 %
  - Teknihkalaš ja hálddabus bargit: 20 %
  - Studeanttat: 25 %

- 2) Allaskuvlastivrras galgá leat unnimusat 40 % ovddasteapmi goappaš sohka bealis. Juohke válgabires galget goappaš sohka bealit ovddastuvvon , gč U/A-lága § 9-4 (8) ja dásseárvoláhka § 21.
- 3) Jus jienaid lohkan čájeha, ahte nuppi sohka beallái šaddet unnit áirasat go 40 %, de manná dan sohka bealis áirras mii lea jienastuvvon, ovdalii, dassá go sohka bealit šaddet dássálaga. Lea válgastivra mii čađaha dan.

### **§ 23 Válgaprotokolla**

- 1) Beavdegirji galgá čállot válggas ja jienaid lohkamis. Beavdegirjji galget válgastivrra miellahtut vuolláičállit. Allaskuvladirektevra almmuha válgabohtosiid dakkaviđe go válgabođus lea loahpahuuvon ja beavdegirji lea vuolláičállon.
- 2) Válgga jienastuvvon jienastanlihpuid galgá vurket boahtte válgga rádjái.

## **KAP 6 Oahppojođiheddjiid válljen**

### **§ 24 Válgavuohki**

Dutkan- ja oahppostivra organisere nominašuvnna ja vállje oahppojođiheddjiid, gaskal bargiid geat leat oahppo- ja dutkanvirggiin, hálddaša válgga ja mearrida váлгаáigodaga.

### **§ 25 Válgadohkálašvuohka ja jienastanvuogatuohka**

Ásahusa oahppo- ja dutkanbargit, geain lea unnimus 50 % virgi, leat válgadohkálaččat ja sis lea maid jienastanvuogatuohka. Dutkan- ja oahppostivra sáhtta mearridit gelbbolašvuodagaibádusa kandidáhtaide, geat galget leat válgadohkálaččat.

### **§ 26 Válgaprotokolla**

Oahppojođiheaddjiválgga bođus galgá čállojuvot sierralágán válgaprotokollii, maid dutkan- ja oahppostivrra jođiheaddji ja allaskuvlla fágahálddaha jođiheaddji vuolláičálliba. Válgabođus sáddejuvvo allaskuvladirektiverii ja almmuhuvvo dakkaviđe.

## **KAP 7 Eará njuolggadusat**

### **§ 27 Váidda**

- 1) Son, geas lea jienastanvuoigatvuohta válggas, sáhtá váidit formálalaš boasttuvuođaid.
- 2) Son, geas lea dán njuolggadusa mielde jienastanvuoigatvuohta, muhto ii leat mielde jienastuslogus, sáhtá váidit dan. Áigemearri váidit jienastuslogu lea guokte váhkku ovdal válgga. Váidda meannuduvvo ja mearriduvvo válgastivrras. Váidda ferte leat čálalaš.
- 3) Válgabohtosa váidda ferte boahit čálalaččat válgastivrii mañemusat vahkku mañnil, go válgabođus lea almmuhuvvon. Válgastivra sáhtá mearridit galgá go ođđasit lohkat jienaid dehe ođđa válgabođus.
- 4) Jus válgastivra ii oainne dárbbu vuhtiiváidit váidaga, de galgá dat dakkaviđe biddjot allaskuvlastivrii mearridit.
- 5) Jus váлга šaddá nuppes čađahuvvot, de leat sii guđet leat välljejuvvon, lobálaččat välljejuvvon, dassázii go ođđa váлга čađahuvvo.

### **§ 28 Luohpan váлгаáigodagas. Lasihanváлга**

- 1) Son, geas lea luohhtevašvuođaámmát, galgá luohpat go válgadohkálašvuohta nohká, gč U/A-lága § 9-5 (2).
- 2) Son, guhte heaitá iežas virggis dahje heaitá studeantan, luohpá stivrras ja su sadjái boahá várrelahttu dakkaviđe go son heaitá. Bargiidáirasat, geat ožžot virgelobi bálkká haga, heitet stivrras, dan botta go lea virgelohpi. Várrelahtut šaddet de fásta áirrasin virgelobi áigodaga.
- 3) Jus rektor heaitá ovdal go doaibmanáigodat nohká, de galgá ođđa rektor välljejuvvot. Jus rektor ii sáhte boahit čoahkkimii dahje heaitá mañemus jagi doaibmanáigodagas, de váldá prorektor ámmáha badjelasas, gč U/A-lága § 10-5.
- 4) Jus prorektor ii sáhte boahit čoahkkimii dahje luohpá ámmáhis mañemus jagis doaibmanáigodagas, nammada rektor sadjásaš prorektora bargiid gaskkas, geat leat oahppo- ja dutkanvirggiin. Jus prorektor luohpá dan mañemus jagis doaibmanáigodagas, de galgá ođđa prorektor välljejuvvot.

### **§ 29 Ollislaš njuolggadusat**

- 1) Stivra sáhtá addit lagabui čilgehusa dán njuolggadusa čađaheami birra.
- 2) Válganjuolggadusat galget árvvoštallot ja ođasmahttot unnimusat okte guovtti váldoválgaáigodagas (rektor/prorektorváлга)

### **§ 30 Fápmui bidjan**

- Dát njuolggadus biddjo fápmui ovttatmanu. Seammás heaittihuvvo válganjuolggadus 13.06.2009, ášši S 04/09.